

國醫小叢書之七十

萬病皆鬱論

信陽源通魏撰

上海國醫書局印行

萬病皆鬱論跋

一日外舅犀河翁出斯編示篤曰。是余先人金龍先生所撰著也。先刊行於世。無幾其梓罹災。是可惜也。今將再刊。爲識之由。篤乃受讀之。其立論也確矣。其證方也審矣。非學涉宏博。術究精微者。安能至此。可謂醫門之法則。是今而不傳。後世恐亡失。斯舉不可緩也。於此乎跋以傳云。

文化乙丑春二月

東都 藤篤

萬病皆鬱論

日本信陽 源通魏 撰

張仲景一百十三方。爲治萬病而設焉。其方之變化妙用。固無論。然不知所本。則雖日夜講習砥礪。論辨證狀。混淆雜糅。不能用備倉卒矣。大凡物求其本則一也。人身百病蜂起。欲一一求病名。一一處藥方。則雖記臆萬卷之書。何以得足。况於方彙方類乎。方其無如之何之時。妄以私意加減。曰醫者意也。醫豈如此乎。仲尼曰。吾道一以貫之。又曰。詩三百一言以蔽之。夫道之廣大。詩之多思。不可勝論。然求

其本。則不過一貫。思無邪。仲景不題萬病論。而名傷寒論者。三百九十七法。一百十三方。一以蔽之謂也。然唯知傷寒總萬病。而不知所以總萬病。則猶知一貫一蔽。而不識爲一貫者。卽忠恕一蔽者。卽思無邪。仲景直傷題寒論。不言所以名傷寒者。猶夫子言一以貫之。而不言所以貫。至曾子對門人。則曰。夫子之道。忠恕而已矣。而後進者始識一貫。卽爲忠恕。仲景者。所謂俟醫門之曾子者也。余竊謂夫百病之生。皆因鬱塞痞滯。凝結不通。概言之。則萬病一鬱也。鬱之甚。無大於傷寒大邪。怫鬱體中。便令神志惑亂。譫言狂走。鬱甚則解亦難矣。治傷寒之難解。則萬鬱之易解。亦自可知。所謂先難後易者也。然

則指傷寒論爲鬱病論可也。指一百十三方爲解鬱方亦可也。以萬病爲一鬱者猶詩也道也。一蔽一貫。仲尼仲景道不同而不相悖。同軌可見。此可謂求其本歟。請舉一百十三方悉證之。

〔解〕〔鬱〕在表而裏氣不和上衝者。桂枝湯主之。

桂枝

芍藥

生薑各三兩

甘草二兩

大棗十二枚

右五味以水七升煮取三升

〔解〕前證而〔鬱〕在項背之間者。桂枝加葛根湯主之。

前方加葛根四兩

右六味以水一斗煮取三升

〔解〕桂枝湯證而胸膈〔鬱〕滿喘者。桂枝加厚朴杏子湯主之。

於桂枝湯方內加厚朴二兩杏子五十個

右七味以水七升煮取三升

〔解〕桂枝湯證而氣血〔鬱〕遏。骨節疼痛者。桂枝加附子湯主之。

於桂枝湯方內加附子一枚

右六味以水七升煮取三升

〔解〕桂枝湯證而腹中〔鬱〕疼者。桂枝加芍藥湯主之。

於桂枝湯方內更加芍藥三兩竝前共六兩

右五味以水七升煮取三升

〔解〕前證而腹不疼痛。〔鬱〕氣不伸上衝者。桂枝去芍藥湯主之。

於桂枝湯方內去芍藥

右四味以水七升煮取三升

〔解〕桂枝湯證而有〔鬱〕滯者。桂枝加大黃湯主之。

於桂枝湯方內加大黃一兩倍芍藥

右六味以水七升煮取三升

〔解〕氣血〔鬱〕閉惡寒者。桂枝去芍藥加附子湯主之。

於桂枝湯方內去芍藥加附子一枚

右五味以水七升煮取三升

國醫小叢書
〔解〕氣〔鬱〕上焦驚狂有動者。桂枝去芍藥加蜀漆龍骨牡蠣救逆湯主之。

於桂枝湯方內去芍藥加牡蠣五兩龍骨四兩蜀漆三兩
右七味以水一斗二升煮取三升

〔解〕氣〔鬱〕胸膈煩燥動甚者。桂枝甘草龍骨牡蠣湯主之。

桂枝一兩 甘草 牡蠣 龍骨各二兩

右四味以水五升煮去二升半

〔解〕〔鬱〕滿緊急者。桂枝甘草湯主之。

桂枝四兩 甘草二兩

右二味以水三升煮取一升

〔解〕臍下悸。〔鬱〕氣上逆者。茯苓桂枝甘草大棗湯主之。

茯苓半斤

桂枝四兩

甘草二兩

大棗十二枚

右四味以甘爛水一斗煮取三升

〔解〕小便不利。頭眩逆滿。〔鬱〕氣上衝者。茯苓桂枝朮甘草湯主之。

茯苓四兩

桂枝三兩

朮

甘草各二兩

右四味以水六升煮取三升

〔解〕心下悸。〔鬱〕塞嘔者。茯苓甘草湯主之。

茯苓

桂枝各二兩

甘草一兩

生薑三兩

右四味以水四升煮取二升

〔解〕脈結代心動悸〔鬱〕迫者炙甘草湯主之。

甘草四兩

人蔘

阿膠各二兩

生地黃一斤

麥門冬

麻

子仁各半升

桂枝

生薑各三兩

大棗三十枚

右九味以清酒七升水八升煮取三升

〔解〕陽氣〔鬱〕閉腹中急痛者小建中湯主之。

於桂枝湯方內加膠飴一升倍芍藥

右六味以水七升煮取三升

〔解〕〔鬱〕在表而喘上逆頭疼身痛者麻黃湯主之。

麻黃三兩

桂枝二兩

甘草一兩

杏仁七十個

右四味以水九升煮取二升半

〔解〕寒熱喘咳。風寒〔鬱〕滿者。小青龍湯主之。

麻黃

芍藥

細辛

桂枝

乾薑

甘草各三兩

五味子

半夏各半升

右八味以水一斗煮取三升

〔解〕惡寒發熱汗不出邪氣〔鬱〕者。大青龍湯主之。

麻黃六兩

桂枝

甘草各二兩

杏仁四十個

生薑三兩

石

膏如雞子大碎

大棗十二枚

右七味以水九升煮取三升

〔解〕桂枝湯證而風寒壅〔鬱〕惡寒身痛者。桂枝麻黃各半湯主之。

桂枝一兩十六銖

芍藥

生薑

甘草

麻黃各一兩 大

棗四枚

杏仁二十四個

右七味以水五升煮取一升八合

〔解〕〔鬱〕在表面喘渴者。桂枝二越婢一湯主之。

桂枝

芍藥

甘草

麻黃各十八銖

生薑一兩二銖

石

膏二十四銖

大棗四枚

右七味以水五升煮取二升

〔解〕陽氣微弱。陰邪〔鬱〕者。桂枝二麻黃一湯主之。

桂枝一兩十七銖

麻黃十六銖

芍藥

生薑各一兩六銖

杏

仁十六個

甘草一兩二銖

大棗五枚

右七味以水五升煮取二升

〔解〕小便〔鬱〕閉上衝者。桂枝去桂加茯苓朮湯主之。

於桂枝湯方內去桂枝加茯苓朮各三兩

右六味以水八升煮取三升

〔解〕麻黃湯證而煩渴喘咳。上氣〔鬱〕塞者。麻黃杏仁甘草石膏湯主之。

麻黃四兩

杏仁五十個

甘草二兩

石膏半斤

右四味以水七升煮取二升

〔解〕上氣〔鬱〕滿發熱惡風喘咳者。葛根湯主之。

葛根四兩

麻黃

生薑各三兩

芍藥

桂枝

甘草

各二兩

大棗十二枚

右七味以水一斗煮取三升

〔解〕前證而嘔者。葛根加半夏湯主之。

前方加半夏半升

右八味以水一斗煮取三升

〔解〕表邪。〔鬱〕閉喘汗出下利者。葛根黃芩黃連湯主之。

葛根半斤

甘草二兩

黃芩

黃連各三兩

右四味以水八升煮取二升

〔解〕手足厥逆。上氣〔鬱〕結。咽喉不利。唾膿血者。麻黃升麻湯主之。

麻黃二兩半

升麻

當歸各一兩一分

知母

黃芩

萎

蕤各十八銖

石膏

朮

乾薑

芍藥

天門冬

桂枝

茯苓

甘草各六銖

右十四味以水一斗煮取三升

〔解〕瘀熱〔鬱〕蒸。身發黃者。麻黃連軹赤小豆湯主之。

麻黃

連軹

生薑

甘草各二兩

生梓白皮

赤小

豆各一升

杏仁四十個

大棗十二枚

右八味以潦水一斗煮取三升

〔解〕表熱裏寒〔鬱〕閉者麻黃附子細辛湯主之。

麻黃

細辛各二兩

附子一枚

右三味以水一斗煮取三升

〔解〕胸氣〔鬱〕喘滿者麻黃附子甘草湯主之。

麻黃

甘草各二兩

附子一枚

右三味以水七升煮取三升